



NUNATSIAVUT
Senani jarini kajusimanik pivallianimmut
10 Years of Continued Progress

ADMINISTRATIVE HEAD OFFICE

25 Ikajuktauvik Road, PO Box 70

Nain, NL, Canada AOP 1L0

Tel: 709.922.2942

Fax: 709.922.2931

nain_reception@nunatsiavut.com

KAUJIGATSAK

Decembara 9, 2016

Kaujitsiutigatsak

SmartICE aitosiak ilinatumik Arctic Inspiration SâlaKautimmik

Nunalet-kavamamait-ilisimajuit-suliaKapvet ikajutigetlutik tâna ilijaumajuk âkKigiataumajuk atotitsait, Kaningimut Kaujisânik, amma piusituKait Inuit KaujimajituKangit sakKititsilutik nagianaginit samik ingiggagiamut taggamiuni satjugiami avatiujuni atautsiuvuk pingasunit pinianiujunit pitâgiamut iluigijaujumut Arctic Inspiration SâlaKautimmik 2016-ami.

SivullitiKallutik Dr. Trevor Bell Memorial University, tâna SmartICE (Sikumik kamannik amma mânaujuk Kaujisautik Sitjametunik Avatinnik) ilagejuit ammalu pitâlaukKut \$400,000 ilanganit \$1.5 miliun aitosiagujuni pitillugu ullusiunimi pititaujumi Winnipeg-mi unusaukKaujumi.

Pigiasittitausimajuk 2012-mi amma TaijauKatatuk Nobel Prize-imik takKamiunik, tâna Arctic Inspiration SâlaKautik aittutauKatavuk ikajuttigenut Kaujisautingit amma suliangit uKajut Kaujimanimmik sakKititsigiamut ikajujunik inunnik Canadaup Taggagani. Tâna tugautinga katillugit sâlaKautik ikajotitsak sâlaKajunik ilagenik sakKititsilutik sivuppiagutitsaminik.

Dr. Bell annigjausimavuk Clint Davis-imut, itsivautak Nunatsiavut Group Companies-niginnut, amma Levi Barnabas, itsivautak Qikiqtaaluk korparaisanga Nunavummi.

“Sikumik kamaulik taijaujuk SmartICE, Dr. Bell KaujisattiuKatingillu takutsautitsijut katsungaigutiKanimminik sakKititsigiamut nutâmik pimmagittojumik atullagigajattumik Inuit Nunangani,” uKajuk Mr. Davis. “Nittunattolauttuk ikajutsigiamut annigjagutinganik tâtsuma adjiKangitop suliangusimajop.”

SmartICE ilagenguKatauvuk akkungani Memorial University, tâkkua Nunatsiavut kavamanga, suliaKatisijinnut amma kavamanga Canada-mi. PitaKatisivuk tamânetuni atujunik Kaujimanimmik sikkukut ingigganimmut maggonik nunaliujunni -Nain, Labrador, amma Pond Inlet, Nunavut – nani, adjigijanginni assinginni Taggamiuni, sikuk ilingajuk ukkiuni ingiggautiuluni, tâkkua iniggauatet nunamut niKitsamut amma tungavinga ilikKusimmut amma piujonnimut.



NUNATSIAVUT
kavamanga Government
www.nunatsiavut.com

Tâkkua Nunatsiavut kavamanga, iluagut Avatiliginimmut SuliaKapvinga SuliaKapvimi Nunaliginimmut amma Pivianatungit, ikajuKattasimajut Dr. Bell Kaujisaniganut, pimmagitoninga sikuk Labrador Inunginut.

“Sikuk ilangauvuk kinakkomangata inolluta. Ilangauvuk ilikKusivut amma piusivut inositinut,” uKavuk Nunatsiavut AngajukKânga Johannes Lampe, uKalluni unutup Nunatsiavumiut ilangani uKasot imminik *Sikumuit*, Kallunâtitu tukkilik *inuit sikumuit* .

“Salutigumajaga Dr. Bell amma Kaujisatingit, amma nakummelugit suliaKaujisanginut pijaminik ilingajunik Labrador Inunginnut,” ilagiatsivuk AngajukKâk Lampe. “Tapvona Kaujisannikut uvagut piunitsamik atuinaulâkKugut tautsigiamut sukkuinut sillamut tautsivalliajumut piusituKatta inosivut.”

Tâna Dr. Bell kingullianik ilingaKatausimaninga Arctic Inspiration SâlaKautimmik. 2013-ami, sivullitiulautuk Kaujisannimi ilauKataulunni *SakKijânginnatuk Nunalik*: Nunatsiavut kavamangani taijausimajuni atautsik pingasuigujuni ilonâgut aittutaujuni. Tâna suliatasak tugautiKalaukKuk pitaKattisigiamut inositsiaginimmut illunik âkKisuinnik Nunatsiavut nunagijanginni kamajunik tautsilitumut silamut, atutaugialinnut pigijaugialinnut amma Inuit illunik pigumajanginnik amma pigumaluatanginnik.

SakKijâtitaumajuk Rideau Hall Foundation-imi, tâna Arctic Inspiration SâlaKautimmik kamagijauvuk akkiKangitumik tungaviKalluni ArcticNet-ikunut, Network of Centres of Excellence of Canada-mi katititsiKattatuk Kaujisatinik amma aulatsijinnik nunaKaujisatinik, inuit inosinginnik amma pivalliatagutinginullu Kaujisanet ilagejamminut Inuit timiKutinginnit, taggamiut nunaginnit, federal amma pravinset timiKutinginnit amma immigolingajut. Tâna tugautinga ArcticNet-ikut Kaujisallutik attuininga silak assiangukinga amma nutânguninganut satjugiami Canadaup Taggangani.

Kaujisapvisak:

Bert Pomeroy
Aulatsiji Kaujimatitsinimmut
(709) 896-8582